

**UPA 2023/142: Naalagaaffimmiit akisussaaffiit sorliit pitsasumik angerlaanneqarsinnaanerinik allattorsimaffimmik imaqartumik Naalakkersuisut nalunaarusiusasut peqquneqarnissaanik Inatsisartunut siunnersuut. Nalunaarusiaq akisussaaffiit angerlaanneqartussat tamarmik immikkut aningaasatigut kingunissaanik imaqassapput taamatullu akisussaaffiit angerlaanneqarnissaannut tigussaasumik piffissalorsorlugit. Nalunaarusiaq piareereersimassaaq Inatsisartunullu tunniunneqareersimassalluni UKA2024 nallertinnagu.**

(Demokraatit Inatsisartuni ilaasortaatitai)

**UPA 2023/143: Naalagaaffimmiit akisussaaffiit ullumikkut ingerlanneqartunut suut piginnaasat pisariaqartinneqassanersut tigussaasumik ersarissarneqarnissaat anguniarlugu Rigsmyndighed aningaasaliinissa aammalu Namminersorlutik Oqartussat qanimut suleqatigalugit nalunaarusiamik suliaqassasut siunertalarugu Naalakkersuisut Rigsmyndighed attavigissagaat piumaffigineqarnissaat pillugu Inatsisartunut aaliangiiffigisassatu siunnersuut. Nalunaarusiaq piginnaasatigut ineriertortitsinissamut pilersaarummik imaqassaaq, uagut maani Kalaallit Nunaanni akisussaaffiit angerlaannissaannut piginnaasatigut pisariaqartitassatsinnik ersarissaasussanik.**

(Demokraatit Inatsisartuni ilaasortaatitai)

**UPA 2023:146: Namminersorlutik Oqartussat Naalagaaffillu aningaasatigut inissisimanerat immikkut sammillugu, Namminersorneq pillugu Inatsi kukkunersorneqarnissaat pillugu isumaqatiginninniarnissat aallartinnissaat anguniarlugu, Naalakkersuisut Rigsmyndighed attaveqarnissaat pillugu Inatsisartunut aalajangiiffigisassatut siunnersuut.**

(Inatsisartuni ilaasortaqt Jens-Frederik Nielsen, Demokraatit)

### **Akissuteqaat**

(Naalakkersuisut Siulittaasuat)

### **Siullermeerneqarnera**

Naalakkersuisut aalajangiiffigisassatut siunnersuutinut pingasunut siunnersuuteqartut qutsavigaat. Immikkoortut 142, 143 aamma 146 ataqtigisiillugit suliarineqassapput, tassami taakkua tamarmik naalagaaffimmit suliassaqarfinnik tigusinissamut tunngassuteqarmata.

Aallarniutigalugu erseqqissassavara namminersornermut inatsimmi Nalunaarsukkat I aamma Nalunaarsukkat II naapertorlugit suliassaqarfiiit sorliit naalagaaffimmit Namminersorlutik Oqartusanut nuutinnejqassanersut, Kalaallit Nunaata nammineerluni aalajangertussaammagu imaluunniit ataasiakkaatigut Danmarkimut isumaqatigiissummik isumaqatiginninniartussaalluni. Suliassaqarfiiit naalagaaffimmit tiguneqartut aningaasalersorneqarnerat, taakkua tiguneqarnerannut piffissaq aallarnerfigalugu Namminersorlutik Oqartusanit tiguneqartussaavoq.

Eqqaasitsissutigerusuppara Naalakkersuisut 2018-imi ukiaanerani ataatsimiinnermi suliassaqarfinnik tigusinissaq pillugu nassuaat Inatsisartunut agguammassuk. Nassuaat danskit naalakkersuisuinit ilassuteqarfingeqartumik suliarineqartoq, suliassat isumagineqarnerannut ukioq 2015 naalagaaffiup aningaaasartuutaannut ataatsimoortumik takussutissiamik aammattaarlu aamma Danmarkimi suliassaqarfinnut ministereqarfiiit suliassanik ataasiakkaanik isumaginninnissamut immikkut tunngavigisassanik nalilersuinerannik, imaqrpoq. Nassuaat suliassaqarfinnut tassanerpiaq inissimanermik takutitsivoq, tassani pissusissamisoortumik inatsisinut, aningaaasaqarnermut il.il. tunngatillugu ingerlaavartumik ineriertortoqarsimalluni, taamaattumik maannakkut ukiut 8-t qaangiunneranni nassuaat nutarterneqartariaqarpoq.

Naalagaaffimmit suliassaqarfinnik tigusinissamut suliap ingerlanera annertoorujussuusarpoq. Suliassaqarfimmik tigusinissamut siunnersuummut aalajangersimasumut atatillugu aningaaqaarnikkut, inatsisilerinikkut, sulisoqarnikkut suliassartaannullu sunniutaasussanik pissutsinillu kiisalu iluaqtissartaasunik unammilligassanillu tigusinerup malitsigiumaagaannik, immikkut misissueqqissaarneq suliarineqartarpoq. Misissueqqissaarneq suliassaqarfimmik tigusinissamut siunnersuummut atatillugu Inatsisartunut saqqummiunneqartarpoq.

Maannakkorpiaq Naalakkersuisut suliassaqarfinni pingasuni misissueqqissaarnermik suliaqarput:

- Inatsisartut aalajangiinerisa 2022/60-ip malitsigisaanik Danmarkimi assartuussinermut ministereqarfik Naalakkersuisut piumasaqarnerat malillugu aqqusinertigut angallannermut suliassaqarfiup tiguneqarnissaanut misissueqqissaarnermik suliaqarpoq;
- Aalisarnermut Piniarnermullu Naalakkersuisoqarfik uumasut nakorsaqarnermut – inuussutissanullu suliassaqarfiup tiguneqarnissaanut misissueqqissaarnermik suliaqarpoq – tassalu Inatsisartut aalajangiinerat 2019/132 malitseqartillugu; aamma
- Nunanut Allanut, Inuussutissarsiornermut Niuernermullu Naalakkersuisoqarfik ingerlatseqatigiiffinnut, naatsorsuutinut kukkunersiunermullu suliassaqarfimmik misissueqqissaarnermik suliaqarpoq.

2022-mi naalagaaffimmit tigusinissamut isumaqatigiissut malillugu nalunaaquttag aalajangersarneqarnera pillugu inatsimmik nutaamik, UKA 2022 nalaani Inatsisartunit akuerineqartumik, Naalakkersuisut suliaqarput .

Suliassaqarfinnik tigusineq misissueqqissaarnerit ataasiakkaat, tamakkiisut ullutsinnullu naleqquttut aallaavigalugit pissaaq, taamaalliluni naggataatigut tamanna politikkikku aalajangeeqataanerusumik aammalu suliassaqarfiiit kissaatigineqartumik pitsaassuseqarnerat aallaavigalugu siunissamut isumannaarsinnaallutigu, suliassaqarfinnik pitsangorsaaviusumik pisinnaassalluni.

Naalakkersuisut suliassanik naalagaaffimmit tigussallugit ilimanaateqarnerpaanik tigusisinnanissamut ataatsimoortumik, aalajangersimasumik pilersaarummik, 2023-p ingerlanerani isummerfigineqarsinnaasumik, suliaqarnissaat kissaatigalugu, partiit 2023-mut aningaasanut inatsimmut tunuliaqtsiisut oqariartutigaat. Tamanna Naalakkersuisut tunniutilersaarpaat.

Tamanna tunngavigalugu Naalakkersuisut immikkoortoq 142-mut aamma immikkoortoq 143-mut allanguutissatut siunnersuut manna saqqummiutissavaat:

”Naalakkersuisut suliassaqarfinnik tigussallugit ilimanaateqarnerpaanik tigusisinnanissamut pilersaarummik aalajangersimasumik suliaqarnissamik peqquneqarnissaat pillugu Inatsisartut

aalajangiiffigisassaattut siunnersuut. Pilersaarut UKA 2023-mut atatillugu Inatsisartunut agguanneqassaaq.”

Naalakkersuisut immikkoortoq 146-mut Inatsisartut isummernerisa tusarnissaa qilanaaraat aammalu Inatsisartut ataatsimiittarfianni oqallinnissaq qilanaaralugu. Qujanaq.